





新編博物策會卷之十三

湖廣省

武昌府人物

武昌府人物  
元明善作武昌記曰墉山而城塹江而池左思作吳都賦曰郊署之內輿都邑之綱紀蓋嘗考是邦之地東連江池西控荆楚南抵五嶺北連襄漢山川包絡形氣含蓄實荆吳之衝要也其名則周曰鄂渚漢曰江夏而武昌之名始于吳也人生其間雖計利而尚鬼然俗尚質朴毆陽玄言之文辭相高柳拱辰言之然則人才不有可數者乎請申之漢以前人物不可考矣魏有李通著破賊之功吳有孟宗畫泣竹之孝晉之時孟陋清操絕

元明善作武昌記曰墉山而城塹江而池左思作吳都賦曰郊署之內輿都邑之綱紀蓋嘗考是邦之地東連江池西控荆楚南抵五嶺北連襄漢山川包絡形氣含蓄實荆吳之衝要也其名則周曰鄂渚漢曰江夏而武昌之名始于吳也人生其間雖計利而尚鬼然俗尚質朴毆陽玄言之文辭相高柳拱辰言之然則人才不有可數者乎請申之漢以前人物不可考矣魏有李通著破賊之功吳有孟宗畫泣竹之孝晉之時孟陋清操絕



倫桓温往造其門而不敢屈致郭翻剛介天植庾翼俯  
入其舟而不可引就至於有孟嘉者始爲庾亮從事褚  
裒之問非偶然也後爲桓温參軍孫盛之嘲徒戲之也  
南齊有李珪平物價之中梁有費昶工樂府之調唐之  
時李善李邕李鄴父子也邕之強記載籍願觀秘閣之  
書鄴之發身科第不喜承璫之薦其與善之號文選學  
相類矣宋之時吳仲舉吳中復吳擇仁父子也仲舉令  
池陽義不肯降而取敬於曹彬擇仁令太康盜不入境  
而見重於純仁其與中復之號鐵面御史相似矣馮京  
力於稽古而三試皆爲魁李昌國善於教子而三子皆  
登第盛子充爲親廬墓而父子之義深矣陳卓與兄合  
爨而兄弟之情篤矣陳求道拒劉忠之叛一家死於非  
命何等氣節杜淦號漢陰之老十五年勤於躬耕何等  
高尚吳必大游文公之門深究理學李綱論張邦昌之  
罪振肅朝綱丁鶴年寓居西山下而清履之節模寫於  
詩集之中邵應豹隱居九曲山下而循良之政宣布於  
知州之日元有聶炳始有復荆門之功終有不降賊之  
節以本

朝言之范俊爲僉都御史成務爲監察御史皆風紀克  
揚劉仲廉爲工部侍郎劉任爲應天府尹皆政事克理  
黃琛爲駙馬多著勞績而上爲之賜葬鳳陽李祥爲尚  
寶司卿具有識度而上爲之親製誥詞盧文政以衰老  
之年奮然好學魏觀以繁劇之郡翕然稱治興安伯徐  
祥有靖難之功而朝廷爲之賜葬祭布政使鄧真有愛



民之仁而吏民爲之立神祠至於蔡哲始仕身於僞朝  
終獻忠於我國亦可尚也已天順以後人才貫珠不絕  
吾未得而數之也

### 漢陽府人物

賈至記秋興亭曰仰眡大別之固俯眺滄浪之浸蔡純  
臣記寥廓臺曰據鳳樓之峻峯倚大別之巨麓以此考  
之是邦之地本春秋鄖國而漢陽之名始於後周其疆  
域前枕蜀江北帶漢水路通荆雍控引秦梁此其形勢  
然也說者謂是邦風俗信巫鬼重淫祀然民性勁直決  
烈多存仁義然則人才有可言者矣請申之自漢及唐  
人物不可考矣宋之時張錫有清約之節見取於任隨  
而有廣文館進士第一之榮張昌宗有同居之義見重  
於馮京而有同居八世三千口之贈元有景厚領鄉薦  
而左丞許有壬師之則其學可知矣至於我  
朝知雲南府者張敏爲按察使者陳文通才識皆可取  
也山西僉事陳昂江西參議陳傑其勤能皆可尚也天  
順以後人才亦有之矣吾未暇論也

### 襄陽府人物

外帶江漢內阻山陵魚鼈之說孫權也北接宛許南阻  
漢水庾亮之表晉帝也嘗以其地考之本周穀鄧鄠廬  
羅郡之地而襄陽之名始於魏也迹其當荆豫二州之  
域翼軫二星之界誠楚蜀咽喉之會也考其風俗其女  
好遊其俗信鬼勁悍決烈多秦楚之俗然尚禮義經籍  
者多也然則人才不有著者名者乎請申之周有尹吉甫



具文武之才於伐儼統見之也有伯竒盡勇從之孝於  
履霜操見之也漢之時劉縯當王莽之亂而建春陵之  
功劉珍校東觀之書而著連珠之頌王逸侍中之日作  
楚辭章句其子延壽撰靈光賦是真能繼其美矣龐德  
公耕隴之日夫妻相敬如賓其子煥拜犇河太守是真  
遺以安矣馬良招納蠻夷白眉之號一時之公論也馬  
謖好論軍計街亭之敗千慮之一失也司馬徽論孔明  
士元不愧於水鑑龐統當治中別駕能展其驥足楊顛  
校簿書是諫達於綱紀也楊儀反旗鼓之謀善於規畫  
也習珍不臣孫權而甘於殺戮何磊磊也羅憲不附黃  
皓而甘於貶黜何巖巖也向朗為巴西太守而其子脩  
為御史中丞然朗之潛心典籍刊定謬誤尤人所難也

向寵為中領軍而其弟充為校尉尚書然寵之性行淑  
均行陣和睦尤人所罕也晉之時羅尚討平叛賊而為  
征西將軍羅友逢鬼椰榆而為襄陽太守至於習鑿齒  
為桓溫從事著漢晉春秋焉南北朝之時柳世隆柳慶  
遠一仕宋一仕齊皆有功業者於青史郭祖深柳遐一  
仕梁一仕周皆有德行推於輿論至於禦家口而陰為  
若邪之還逐黃蒼而甘為斬頭之勇此又梁之張彪也  
以唐言之尹嗣宗居喪踰禮而與兩孫皆有孝行於是  
有一門四闕之碑杜審言才高傲世而與李嶠輩皆有  
文學於是有文章四友之號年七十為刺史張柬之也  
狄仁傑薦為平章事以忠義知忠義也年四十遊京師  
孟浩然也張九齡辟為荊州從事以豪傑知豪傑也杜



甫依嚴武雖流落不偶矣而所傳杜工部詩集惓惓然  
有忠君之意屈原以後一人也皮日休交陸龜蒙雖豪  
放不羈矣而所傳陸集和詩集陶陶然有出塵之想  
陶淵明以後一人也吏部侍郎席豫工於詩而有冠冕  
之稱禮部侍郎鮑訪工於詩而有鮑謝之號馮行襲爲  
州牧設伏除寇而有山南刺史之除朱朴爲諫議上書  
遷都而有同平章書之擢至於柳渾始不爲浮屠所惑  
而篤志於學以正攻邪也終不爲吐蕃所誘而灼知其  
情以文兼武也宋之時張上遜以寬厚爲太傅而有子  
友直友正皆顯於世歐慶以廉貧爲推官而有子世英  
世勳皆用於時張問築隄之諫恐勞民也而不附王安  
石尤人所難焉魏泰東軒之錄善爲文也而不附章惇  
尤人所難焉張嶠之草檄書石潑之博古今皆有文集  
可傳也孟珙之守襄陽張惟孝之平江陵皆有勲業可  
譽也元之時暢淳夫爲學士能文矣而有子敏仲能繼  
其志金希說爲御史能文矣而有弟希舜能追其美至  
於淹貫經史時稱陶易陶元幹也逮至我  
朝蘭以權以照磨撫安廣西而夷人爲之感悅任亨泰  
以狀元出使交趾而國王爲之隆重康慶張緝在憲臺  
皆有公直之名李文郁楊銘在藩郡皆有勤能之譽至  
於事母以孝愛弟以誠宋祐也天順以後人才之生先  
後不絕吾未得而悉陳之也

德安府人物

李太白之味是邦曰分野連翼軫遠勢控荆衡黃世長



之題是邦曰溪上接秦頭遠江分楚尾蓋嘗考之周官  
爲雲夢之藪春秋爲鄆子之國宋曰安陸隋曰漢東而  
德安之名始于宋也說者謂是邦人物士民純秀多尚  
仁義今觀周必大李元衡滕元發之記信乎其有驗矣  
請具陳之周時有闞毅於菟仕楚而爲令尹莊王賴之  
以定霸其載於魯論可考也有季梁仕隨而爲大夫楚  
國畏之以絕寇其陳於左傳可誦也周章諫太守而有  
絕鞅之忠卒之舉孝廉爲司空宜矣黃香事父母而有  
扇枕之孝卒之除郎中遷尚書宜矣至於黃瓊黃瑛父  
子也然瓊爲太尉舉奏貪污瑛爲州牧擊平寇賊黃香  
可謂有子矣有唐之人物言之樊興有擊吐谷渾之功  
房玄齡與之留守甚相得也郝處俊有諫觀醵之疏武  
后爲之妬忌不能害也至於許紹許圜師父子也紹爲  
通守存活飢民圜師爲刺史感愧貪吏許氏可謂有人  
矣宋之時張君房才堪著作撰記之日楊億稱之曰紫  
微失却張君房鄭獬少負俊才廷試之日仁宗祝之曰  
願得忠孝狀元令狐揆志氣高邁而有冒雪渡寒溪之  
句劉逵德性梗介而有元祐黨碑之奏宋綬以幼冲之  
年博通百家官至參知政事矣而博於稽古終龍圖學  
士者有敏求爲之子焉連庶以壽春之令開田千頃官  
至職方員外郎矣而敏於爲政終都官郎中者有庠爲  
之弟焉李庭芝守揚州邊居誼守新城皆不屈節而成  
殺身之義然庭芝之死節尤赫於雷霆也連南夫之活  
飢民連萬夫之保山砦皆能有爲而立拯屯之業然萬



六之死節尤皎如日月也至於漢談兵法屢立奇功有  
王登焉元之時吾得一趙復以儒術見推稱為江漢先  
生不負其名矣我

朝之時吾得一周梅以卓行見推擢按察僉事不愧其  
職矣天順以後人才累累不絕吾未得而數之也

### 黃州府人物

淮甸為內池黃岡壓上流此王禹偁之詩狀形勢佳矣  
山水既清遠土風多厚善此蘇子瞻之跋論人物盡矣  
蓋黃州之地本禹貢荊州之域天文翼軫之星周黃  
國楚為邾君南齊曰齊安隋曰永安其地北接光蔡東  
峙瀟皖連雲夢倚大江占淮壩之上腴屬帝轂之衝會  
考其風俗樂於為儒關詠言之獄訟稀少秦觀言之然

則是邦人才與鄒魯之風豈不相庶幾哉請具陳之自  
漢及唐不可考矣五代之時有陳起為黃梅令乎諸祐  
之亂其才畧不混於俗矣宋之時有梅應春為餘干令  
趙葵之薦其才行足表於人矣然宋人物不止此可潘  
大臨與弟大觀皆以詩賦自工而有黃州潘邠老之句  
林敏功與弟敏脩皆以文字相友而有高隱處士之號  
吳瑛以員外郎歸新臨溪築室賓至必醉而有種花釀  
酒之樂其高尚之節何超然自得哉余玠以安撫使知  
重慶蒞任築館士至必接而有脩學養士之功其將師  
之畧何奮然自效哉元有管如德先登陷陳而有宣慰  
司之擢有周古象素妻奉母而有孝里門之旌以我  
朝言之康茂才經田中原而有潼關之功封蘄國公



論之武襄宜矣至於康鐸征雲南死於軍尤不愧乃父之忠王聰絕倫驍勇而有戰死北虜之節封之漳國公諡之威毅宜矣至於劉廣征胡騎死於軍尤不負致身之志吳應澍號山西先生有才名矣而有子琳力於問學居冢宰之職何愧乎吳琛爲衢州同知有政聲矣至於王壽七世同居受孝義之詔何忝乎天順以後人才不乏吾未得而歷數之也

### 荊州府人物

山陵形便江川流通甘寧之狀荊州也雄據上流表裏襄漢楊震之傳荊州也蓋嘗以疆域考之春秋爲郢都秦爲南郡唐曰江陵宋曰荆南其地東連吳會西通巴蜀南極湘潭北據漢沔面施黔背金方距三峽之口介重湖之尾誠荆楚之門戶襄漢之藩垣也考其俗雖有伐鼓叫囂之風競渡拔河之戲然質直好學之士自古皆然也豈不爲衣冠之藪澤哉詰且陳之周之時伍員申包胥本朋友也然員覆楚以報父兄之讎包胥復楚以全君臣之義各行其志焉屈原宋玉本師生也然原善諷諫作漁父篇以見其志王善寓言作九辨以悲其師皆歸於忠焉能盡其僚之勇可當五百人之衆此可爲勇之至老萊子之孝形於五色衣之戲此可爲孝之誠以漢之時言之胡剛值王莽之篡避亂隱屠肆府有衣冠之懸其高節可尚也其孫廣練達國體而累官太傅至於蒯越平賊之謀有功於劉表多矣三國之時董和值劉璋之闇仕蜀外牧殊域家無儋石之儲其清操可



尚也其子允志慮忠純而守尚書今至於霍峻守城之節有光於昭烈多矣公南北朝之時宋有劉斌之散財恤貧鄉鄰之義重矣齊有庾黔婁棄官省親人子之道篤矣以梁言之庾於陵爲洗馬而能博學庾肩吾爲太守而能賦詩至於庾信博覽群書善左傳而哀江南賦極渾灑焉庾曼倩有君子之譽殷雲有尋母死之誠至於嚴植之精解孝經曰鄭氏禮而生徒數百相授受焉若夫隋之時吾得一恭允恭著後梁春秋而踈斥於煬帝教宮人之日其志操剛正何如耶以唐言之劉洎論不觀史之事辭直氣壯雖殺身無害也至於岑文本從征遼東不營產業可謂之名相焉俞文俊論山出新豐之異辭嚴義正雖流鼠何辱也至於楚江漁者換酒自醉

歌舞自娛謂之具隱焉若夫五代之時吾得一李景威爲高氏指揮而扼吭於孫光憲勸歸宋之日其氣節軒昂何若耶逮至宋朱昂有小萬卷之名有資理論之著以工部致仕操守堅矣其弟協爲主客郎中有純謹之譽雍爲王府翊善有二疏之名至於昂之子曰正彛曰正辭並登進士以文學相鳴義方之教何垂於後裔如此其盛哉唐介始與文彥博不合終與王安石不屈以參知政事卒官氣節豪矣其子淑問爲御史多所建明義問爲員外郎長於強敏至於介之孫曰恕曰意並爲縣令以新法致仕剛直之操何紹於箕裘如此其美哉夏侯嘉正著洞達賦而五言千韻之詩非敏捷之才不能也崔遵度著琴箏文而文集二十卷之書非淵源之學不



能也張景有應對之能故其對仁宗曰兩岸綠楊遮虎  
渡一灣芳草護龍洲七步之才不過是也李堯言有勇  
退之節故郡人爲語曰元豐濟濟稱多士南郡堂堂有  
三李一瓢之贊不過是也劉蛻在荆南於科第寂寥之  
日而卓然及第故號爲破天荒孫論在江陵於縉紳退  
休之秋而群然掛冠故號爲七老會畢漸發身文學而  
有典鄉郡之榮其剛正之迹可考也紹聖狀元之名何  
愧乎高擇講授諸生而不受評事之命其高尚之節可  
歆也安素處士之號何忝乎樂京以遺逸爲長葛令不  
行新法則正大不易能也胡勉以布衣攝長陽令能捍  
劇賊其才畧不易得也朱震著漢上易解而有漢上先  
生之號其第罷亦富學可稱也項安世著易玩辭而爲

秘書正字之官其子寅爲顯官可稱也龐天祐祈天以  
明父目不謂之孝子乎劉鼎孫驅家以沉海中不謂之  
忠臣乎逮至我

朝張秉彛討捕海寇而官至指揮使趙勉才能著稱而  
官至大司徒劉儁征安南何忠征交趾皆有取義舍生  
之勇一謚愍節一謚忠節宜矣楊溥授編修王詢授檢  
討皆有博學能文之才一爲學士一爲祭酒宜矣刑部  
侍郎裴禮禮部侍郎鄒師顏皆有操而有守山東布政  
裴綸廣東布政劉永清皆有學而有爲傅啓讓爲河南  
僉事築堤捍河其才畧可知其高矣余汝弼爲屯田郎  
中煮粥濟飢其仁厚可知其篤矣天順以後人才相繼  
迭出吾未可縷數之也



岳州府人物

夏曰三苗周曰麋國此岳州分域之始也晉曰巴陵宋曰岳陽此岳州立名之別也蓋荊州之域翼軫之野左洞庭右彭蠡倚連岡以起伏面長江以演漾人生其間雖曰信巫尚鬼有楚遺俗然士尚行義愈久愈多而屈原之風豈隨死而隨滅哉請具陳之周之人物曰白善曰申鳴一則當白公之亂而築圃灌園其言曰從子亂其國不義也昔子發其私不仁也一則當白公之亂而桴鼓克敵其言曰食祿避難非忠也定國殺父非孝也晉之人物曰周該曰車胤一則當王敦之亂為使湘州雖為所執至死不言不負義勇之稱矣一則當道子之亂奏正殊禮雖為所忤而稱死不出不負囊螢之志矣

逮至於唐李群玉放懷山壑吟咏性情裴休為薦其官不亦宜乎段洪古剛愎易合不事產業柳元宗為誌其墓不亦當乎宋之時徙丹陽郡者蘇庠而後湖居士之號推於人間建晝錦橋者羅孝芬而羅狀元之字成於樹上黃誥為長沙簿罷增稅之害而芝生之瑞尤為奇也李平西知澧州成勸農之治而勤王之奏尤為忠也元之時劉琦尋母於貴池之間孝之至也能義山死節於倪文俊之難忠之著也至於我

朝左都御史張庭蘭都督僉事武毅皆有方面之才廣西參議載本昇廣西僉事蕭忠堪稱藩臬之職至於方庭王始為工部主事繼為浙江布政治事之才居官之德皆有可稱者也天順以後人才亦不乏吾未暇論也



長沙府人物

呂和叔論長沙之地曰控交廣戶牖擬吳蜀咽喉劉禹錫論長沙之人曰無山水之濁有清慧之風蓋商爲荆楚周爲長沙以軫旁小星曰長沙正應其地而名之也其地南以五嶺爲限北以洞庭爲界右納夏汭左抗荆門人居此邦也恬世利尚節槩立廉隅此其大率也抑何風俗之美一至此哉請具陳之高祖之時有梅銜爲長沙太守而以忠幹稱昭烈之時有蔣琬爲尚書令而以忠雅著古初以身救火火爲之滅誠之弭乎災也祝良以身禱雨雨爲之降誠之動乎天也陳平子托身於范式而卒歸其喪可謂之知人矣桓階受知於孫堅而乞歸其喪可謂之烈士矣以晉言之鄧騫爲武陵太守

就譙王承之辟而子粲亦就桓冲之辟同一變通也虞悝爲長史死魏乂之難而弟望亦死王敦之難同一氣節也易雄善處張昌之亂且武昌之抗辭尤可羨也王矩預討陳恢之功雖京兆之召君亦不朽也桓雄爲主簿當王敦之虜毀服爲僮而卒於死節忠臣也韓階爲西曹書佐當譙王之喪親營殯歛而厚於伯君烈士也以齊言之孫普濟伏身棺上以身救火孝之篤也以梁言之歐陽頴征討夷獠以功封伯勇之至也逮至於唐歐陽詢倣羲之之書貫絕古今而有歐陽通爲之子死於諫焉戴簡好孔氏之書陶情游覽而有柳宗元爲之記發其真樂焉五代之時徐仲雅因邊鎬之亂而遜迹劉昌嗣因周行逢之招而改姓逮至於宋徐偉教授生



徒而依之以居者三百餘家且善於訓下有徐氏八龍之號丁雋善待宗族而同之以居者三百餘口且長於春秋有三丁傳之號鄧咸創義學於縣南而馮京受業焉其以錢救庫丁則有姪鄧珙也胥偃分良田於族人而歐陽脩爲婿焉其以道正閭門則有子胥元衡也作卮言日出賦者路振何豐贍也覆范宣公謚議者鄧忠臣何詳允也蕭注爲番禺尉李揆爲寧遠尉皆領鄉薦而來者也然注當智高之叛連挫賊鋒揆當強盜之獲不邀榮顯皆可稱矣龍巖爲萍鄉令尹穀爲崇陽令皆由進士而除者也然輿以已俸代輸而有廉介之操穀以潭城受敵而有死節之勇皆有可尚矣譚世勳譚申父子也然世勳死邦昌之亂申罷瑞州之租堂堂之操固不凡也楊大異楊霆父子也然大異死於成都之兵楊霆死於湖南之難凜凜氣節能自振也王容舉進士第一賀德英廷試第一誠爲難也而德英乞試以贖父罪其心何如懇惻耶李受爲刑部侍郎易袂爲禮部尚書皆可紀也而被有總義舉隅釋疑等書其學何如富盛耶狄棊自謂湘潭寒士而不附貴人若夫著春秋雜說者有遵度爲之子也丁公膺爲高郵縣尉而死于力戰若夫願以身代死者有公億爲之子也鄧深爲轉運使除盜酒之弊可謂以寬而代雷胡穎爲經畧使除大蛇之怪可謂以正而攻邪皮龍榮爲直講曰一過改而一善著百過改而百善融箴規之善如此也洞庭老人過洞庭曰八十滄浪一老公翁蘆花江上水連空其清潔

三



之操如此也解太原之圍者王以寧之爲景灃帥也解  
合肥之圍者丁仁之知無爲軍也彭天益有瑞麟集而  
論權姦之罪尤爲直焉吳獵有畏齋集而朝重華之疏  
尤爲正焉鄧淵以星變上封事而湯壽之請留朱熹亦  
有直聲矣孫方武以學正死金兵而袁顯之死於楊公  
亦有正操矣畢田除七都科調鄉人立廟祀之宜也陳  
道周陶四年斃墓鄉人立碑表之宜也逮至於元歐陽  
玄道德文章卓然名士而圭齋之集皆學力之到也馮  
子振酒酣爲文頃刻輒盡而海粟之集乃天資之高  
也至於劉耕孫死於寧國劉壽孫死於常寧劉碩死於江  
夏一門節義之士何其盛耶以我

朝言之張啓周幹皆爲右布政勤慎有爲劉聲遠周謨  
皆爲左叅政才名益振張武爲燕山百戶有靖難之功  
卒封侯爵而謚忠毅夏原吉爲戶部尚書有寬雅之量  
卒官少保而謚忠靖何楚英以布政莅雲南勤勞克効  
曹弘以侍郎巡撫淮南恭慎有聞若夫易先爲諒山知  
府平易之政足以得民爲交趾憲長嬰城之守甘於捐  
軀此其才足稱而節不少辱者也天順以後人才世亦  
不乏吾未暇枚舉也

寶慶府沔陽州人物

吳曰邵陵唐曰邵陽而寶慶之名始於宋也秦屬南郡  
漢屬江夏而沔陽之名始于梁也蓋寶慶之地接九疑  
之形勢據三湘之上游旁連荆襄外接交廣乃荊州之  
地軫星之分野也沔陽之地濱江漢之洳在重湖之右



環城皆水因河爲壕乃荊州之域而軫翼之分也人生其間一喜節儉一尚淳和然則古之人皆足爲今之師矣請以寶慶人物言之晉有周崎當王敦之難被執不屈而有城下之呼其節義可尚也唐則有胡曾郝處納焉然一居高駢門下答雲南之辭可謂詳盡一爲郡州刺史嚴周岳之誅可謂正大逮至於宋周儀以祖田分宗族可謂盡親親之義李傑買書籍遺郡庠可謂盡賢賢之誠聶致堯屢給貧困而節行十事形於邦人之薦張棡嘗題其額矣金彥屢振困窶而孝廉第一形於守牧之舉胡寅嘗記其事矣至於中葉之時曰孫欽曰王元春各有文武之譽而我

朝之時劉必榮李原暹尤爲傑然者觀其爲鳴臚爲按察則可見矣以沔陽之人物言之漢濱老父當桓帝之遊獨耕不輟而有勞人之諷其節義有足稱也唐則有陸羽焉除太子文學有挺身不就之節著茶經三篇有樂道自娛之風逮至於宋張徽以詩名世而弟徹之才八割郡符陳嘉言以文鳴世而金人之攻六人死節張迪爲諫議大夫有諫臣之風烈焉祝松調長春簿有守城之節操焉至於有元之時曰張淵道張從道皆有優長之學而我

朝之虞信歐陽謙尤爲卓然者觀其爲布政爲御史則可見矣二郡人物之盛如此天順以後世不乏人吾未暇以枚舉也

衡州府人物



練亨甫之論衡州也曰襟帶湘江控引交廣潘正夫之  
論衡州也曰嶺開越嶠路轉荆門蓋荆州之南境軫翼  
之分野吳曰湘東又曰衡陽隋曰衡山此沿革之異也  
說者謂山川之秀麗稱衡湘人居其間得之爲俊傑信  
斯言也則夫懷才負藝之士固有水涌而山出者豈若  
晨星之稀濶哉請具陳之漢之人物谷永上疏雖有可  
議而胡騰之歛葬竇武顯名黨錮則爲傑出者也蔡倫  
之造紙雖爲小節而谷朗之撫綏交州素著威信則爲  
特拔者也若夫爲將軍之掾有功於昭烈運帷幄之籌  
見重於諸葛此非蜀劉巴字子初者乎晉之人物李義  
當盜起荆湖之日募兵擊破而陶侃有麾下之召馬羅  
含得文鳥入口之夢文藻日新而謝尚有琳琅之譽焉

若夫創石鼓書院以爲讀書之所自布衣上書以承慰  
諭之詔非唐之李寬趙知微乎逮至於宋曹裕令溧陽  
以歲旱上聞曹洪令永興以民貧棄官以父子而如此  
可尚也胡晏開館禮士而有處士胡君之名侯宣築室  
招賢而有侯家書院之號以布衣而若此充足奇也葉  
蓋以才賦魁上庠而見者稱爲南方之瑞豈過情之譽  
乎黃昭隣讀書芙蓉山而近者稱爲職方之岩豈倖得  
之名乎從胡宏學趙崇也入督府嘗獻秘計從文公學  
龔蓋卿也入諫垣膏布忠諫趙世德當曹成大之脅以  
死自誓而不肯歛民之財張鏜當文天祥之執以死自  
誓而不肯虧臣之節黃珙以善行誨人而兩子皆登于  
朝李芾以無暴棄名齋而一家皆死於節至於趙崇之



子曰方守備襄陽金不能陷謚之忠肅宜矣其子趙范殲金人於高頭其才不爲卓卓者乎趙范之弟曰葵守備潭州寇不能犯謚之忠靖宜矣其子趙淮拒阿朮於城下其節不爲凜凜者乎以我朝言之茹瑺始以國子生而擢大司馬之任其才足以有爲尋以太子太保而封忠誠伯之爵其謀足以濟事譚有得爲按察慎五刑之決李思聰爲行人著百夷之傳天順以後亦不乏人吾未暇論之也

### 常德府安陸州人物

劉禹錫之詠常德也曰桃川仙境楚山春曉劉丹之論安陸也曰西浮江漢東馳京嶺考二地雖皆荊州之域翼軫之分野然常德之地舊爲蠻蠻所居或曰武陵曰

義陵曰常武而常德之名創於宋也安陸之地春秋戰國時屬楚或曰郢中或曰石城或曰富水而安陸之名創於隋也說者謂風俗信巫好鬼然人多淳朴而質直少文則一也豈不足稱於士夫之口者耶請具陳之常德人物自古已有可稱者矣虞公有善卷郤帝舜傳位之命而以出入逍遙見於莊子可考也周有屈原爲三閭大夫之官而以忠諫踈棄見於楚辭可知也黃歇號春申君相楚二十年食客三千人卒收拒秦之功其才畧不亦可取哉田強本五溪酋領以三子屯兵守一城相應不染王莽之亂其節義不亦足稱哉蜀有庾立雖快怏坐廢而龐統廖立楚之良材之語見吐於孔明則其人可知矣吳有李衡雖營營且生而江陵千株橘等於



千戶侯之誥見稱於太史公則其才可知矣至於潘濬  
爲孫權將佐有征討蠻夷之績閻曾爲張茂部屬有諫  
止營繕之功晉之人物不特一閻曾也若潘京勤學不  
倦而戴昌爲之友善伍朝學書有成而劉弘爲之禮異  
龔玄之初舉秀才不就公府之辟邵榮興八世同居不  
就州縣之徵南北朝之時撰武陵志者伍安貧撰沅州  
志者黃閔至於齊有范安祖於建元之中睦宗族而同  
居至五世唐有韓約爲轉運之日脩廢田而收粟二十  
萬石逮至於宋陳起爲縣令有政聲歐陽脩奇之鍾正  
甫爲轉運有美聲蔣之奇器之張顥爲慶曆進士以才  
幹聞矣其弟頡亦有名焉管師復號白雲先生以經學  
著矣其弟師常亦齊名焉楊維進官柳詩而御書清白  
傳家何其榮也揚縝隱桃源山而賜號冲真處士何其  
當也至於王在治周禮貢舉之日擢冠本經丁易東註  
周易教徒之日賜額書院至於我  
朝朱應祖以才能爲御史何顥以廉明爲僉事河南叅  
議張以澄有勤恪之能交趾叅議馮貴有端謹之操凡  
此皆常德人物也若夫以安陸州言之人才不絕史冊  
宋有別之傑嘉定初進士而掌國柄我  
朝有張從道洪武中鄉舉而分郡符天順以後常德安  
陸人物視前爲盛吾未暇數也

### 永州府人物

柳宗元論永州風俗曰瀟湘參百越之俗  
衽居作髻  
之半曹中論永州人才曰家閑禮義而化易  
土地足漁



樵而人樂業蓋永州之地春秋戰國爲楚南境漢曰零陵晉曰營陽南接九疑北接衡岳環以群山延以泮麓山水奇秀而俊異所由出也然則或作之於前或繼之於後夫豈不各極其盛哉請且陳之漢之時鄭產爲菑夫除口錢而有更生鄉之號蔣晉爲刺史入奏事而有應對不滯之才至於魯譚熊尚劉優之徒皆有可稱者尚拜校尉而能著其政聲譚優舉孝廉而咸稱其職分此皆漢之人物也三國之時劉巴爲尚書令而有才智絕人之稱劉敏爲御史而有糾察名實之迹至於唐謀黃蓋之徒皆有可述者謀守零陵而境內爲之清晏蓋拒赤壁而火攻爲之創謀此皆三國之人物也晉之時言之唐宏爲司徒而薦舉賢能臧榮緒爲著作郎而脩

纂晉書葉譚舉孝廉之詔王濟謂譚曰亡國之餘何秀異也譚曰明珠八貝生江海之濱鄧粲應桓冲之辟劉璘之謂璩曰卿忽改節吾失所望矣璩曰隱在我不在物是以朝市亦可隱至於生南齊之日而以秀才舉任都督之命而以嚴毅稱非補朝唐獻之乎以唐之時言之史青五步成章而賦昭君怨之詩明皇爲之稱賞李郢進士第一而三十四人之榜蕭傲並之爲相屈隱之爲廣州判居官清儉不行請托李季芳爲代宗時處士退守庶遂不求人知至於應吳王之召而爲判官卒有境內肅然之效協八月之慶而爲進士卒有進賢化龍之號非五代之史長何仲舉乎逮至於宋歐陽程程亭於鐵作池之上其詩曰寒影倒吞凌漢樹冷光高冷半天



星真足以配唐音也周敦頤濯纓於濂溪之上其書曰  
太極圖以明道体之源通書以示進脩之目真足以繼  
道統也路振作五代世家而子綸為奉禮郎周堯卿作  
詩春秋說而子諭為歸安簿陶弼為參謀楊畋還於朝  
曰吾平賊得一陶弼呂陟飽文學楊萬里過其鄉曰青  
桂里得一呂陟周世南娶已瞽之女夫婦之義篤矣唐  
傑愈已瞽之毋父母之親全矣陳邁遙語陳適之辭其  
所以教弟者其義不亦正乎唐開詣訟唐貢之寃其所  
以救叔父者其情不亦厚乎歐陽言為遷江令立性廉  
退而故廬僅蔽風雨陶岳知瑞州守身廉介而蒞任不  
求一硯判晁州者唐績有脩潔之操守雅州者何盛有  
正之氣吳庸以氣節自負與同郡徐邦直唐捷皆禦  
賊六戰唐容以博學自鳴與同郡唐麟樂韶號城南三  
傑蔣滄始歛黃庭堅之喪終紀鄒浩之家其好善何誠  
耶李長庚蓄書數千卷歷仕五十年其力學何切也元  
之時有張韶以易舉於鄉焉我  
朝國初雖乏人而天順以後人才不少矣吾未暇枚舉  
也

### 辰州府靖州人物

內控諸蠻外障武陵此辰州之形勝也而其名始於開  
皇漢為牂牁唐為溪峒此靖州之疆域也而其名始於  
崇寧蓋辰州之地岡嶺險峻溪山阻絕非人跡所履靖  
州之地乃百蠻衿喉之地要之皆荊州之域而皆好居  
處與巴渝同俗也蓋其刀耕火種尚巫信鬼然風土不



惡而其俗亦淳奉約束如中州者多也豈可以僻陋輕之乎請以辰州人物言之宋之時若秦再雄刺辰州而日訓士兵有被甲渡水之勇向直爲峽州牙頭而罵賊遇害有內殿崇班之贈逮至於我

朝擢知府而求樂間有儀禮逸經之獻爲僉事而黃福有江淮曾次之稱此非劉有年而何若夫流寓於此者則又有段成式之著酉陽雜俎王勣王庭珪之忤秦檜貶謫也以靖州人物言之宋之時楊通寶納土來貢爲誠州刺史而楊正巖因之來貢楊光富率族來附爲右班殿直而楊昌御因之來附逮至於元領延祐卿薦其學必有所得爲本州判官其才足以有爲此非李燾而何若夫流寓於此者則又有程敦厚之言事忤秦檜魏了翁之言事忤史彌遠也二邦人物如此天順以後聲教四訖意必有人才出於世矣

### 郴州人物

韓昌黎論郴州曰郴山奇變其水清瀉陳純夫之記郴曰北瞻衡嶽南直五嶺蓋荊州之域箕軫之星楚義帝以之建都吳蜀以之分界環山爲州人多脆薄然相噓相染奇而信朴而勁豈不亘古今而皆然哉請具陳之晉有谷儉博經史而有高第之試除郎中而有棄官之節唐之時著嶺南異物志者孟瑄而昌黎爲之送序由博學完辭者劉瞻而僖宗爲之拜相逮至於宋黃觀象廬墓六年卒賜粟帛孝敬之誠可取也姚宋佐再仕八桂自號北湖廉介之操可尚也邵曄爲邵陽主簿杜唐



卿爲浮梁主簿皆有善政及人而唐卿之芝生於學舍  
人才以蕃之效如此哉曹靖知賓州朱輅知郴州皆有  
異政及物而輅之甘露降於州署刑獄以簡之驗如此  
哉陳純夫初以監舉第一尋以易經魁省若可以富  
貴矣而以文自娛有勇退之節焉雷應春始以監察御  
史終知臨江軍若可以少逸樂矣而以學自力有清江  
之文焉至於我

朝曹嗣宗少有志操而爲僉事於陝西何懷輝精於刑  
律而爲評事於大理朱光才爲永樂進士歷戶部郎中  
其會計之才爲部屬所推尊鄭林始爲監察御史終爲  
兵部尚書其區從之變爲朝廷所憫恤至於施州本荆  
梁二州之域春秋巴國之界民雜夷獠南近夜郎矣然  
詹邈當元祐三年之試居進士第一之名則亦一邦之  
光也天順以後彬州人物與日俱新吾杲暇論也

新編博物策會卷之十三終



新編博物策會卷之十四

四川省

成都府人物

屏石戴璟著

華陽西極黑水南流此楊雄益州之箴也緣以劔閣阻以石門此左思蜀都之賦也以其沿革考之秦曰蜀都漢曰益州而成都之名始於晉也其地五嶽表其陽四瀆出其徼帶二江之雙流抗峨眉之重阻孔明謂沃野千里之地吳師孟謂天下藩鎮之冠信其然也人生茲土者愿慤而好靜公議而無私人才之出豈不亘古今而特盛者乎請具陳之周之時有萇弘者生而明樂孔子問之可謂博學無方矣死而血碧蜀人祠之可謂精



忠不朽矣漢之時司馬相如揚雄皆成都人然相如之子虛上林飄飄乎有凌雲之意子雲之河東較獵洋洋然有懸河之才此皆以詞賦鳴也章明侯剛皆新繁人也然明以王莽之篡位寧自刎而不爲之臣剛以王莽之專政寧被殺而不爲之用此皆堅以氣節著也何武爲大夫而不附新室其守身有若此者楊宣爲縣令而力薦龔勝其尚氣節有若此者張霸張楷皆通春秋也然一則有棄我戟捐我矛之誼一則有慕原憲擬夷齊之詔以父子而若此尤可尚也且其劾梁冀之橫百僚肅然非楷之子曰張陵乎楊統楊厚皆明天文也然一則爲彭城令而推大旱之由一則徵至長安而陳弭災之策以父子而若此尤可嘉也且其通孟氏之易時稱任楊非厚之友曰任安乎姜詩事母至孝而泉水湧此誠之感於地也諒輔爲掾自祝而雨澍浹洽此誠之感乎天也王忱以金悉還其人清介如此人所難也景毅以名自表於上剛正如此世所慕也撰漢紀及哀典者有李尤焉剛太史著外傳者有楊終焉任末病死勅其兄子曰致我尸於師門使鬼靈不慙師友之義篤矣朱普病死勅其子曰我死哉喪請闕使天子知我心君臣之義盡矣有董鈞者郊祀禮儀多出其手豈徒明慶氏禮哉有翟酺者擊斬叛羗屢震其名豈徒明老子書哉何英著漢德春秋雖未必盡然亦善於鋪叙也杜瓊著韓詩章句雖未能盡合亦善於箋註也羅衍之於公孫述所以勸之者正豈在清濁之間乎任昉之於梁冀



所以絕之者嚴抑何堅白之至乎以趙典爲父而據經  
正對則其義方之教可知矣以趙溫爲子而雄飛自振  
則其繼述之善可見矣若夫張裔秦宓皆仕于蜀然一  
則濟楊恭之厄重所交也一則就諸葛之辟擇所從也  
杜軫何攀皆仕于晉然一則令建寧而撫諸蠻仁以綏  
也一則爲廷尉而決疑獄明以照也以隋言之則有何  
妥始爲梁王臣而疏陳八事終爲龍州刺史而教授群  
生蓋有餘於才而不足於節者也以唐言之孫逢吉刻  
石經有功於伯喈著說文有功於許慎蓋長於訓詁而  
短於理學者也袁天綱之識鑿追配嚴君平雖小道有  
可觀者矣李白之詩才齊驅杜子美雖酒狂有可法者  
矣以宋言之向中正何隨歐陽迥卞震皆仕蜀而歸宋

者也然隨之清廉迥之諷諫震之征伐中正之篆隸有  
可稱者且中正有二子曰希古希仲並進士不尤可稱  
者哉孫光憲王著王求皆佐蜀而歸宋者也然光憲之  
博古著之筆法求之均賦有可歎者且光憲有二子曰  
謂讜並進士不尤可歎者哉何郊陳夏竦之姦而仁宗  
稱其有碎首之諫非益美也梅摯論張堯佐之邪而仁  
宗稱其得言事之體非過譽也羅居通黃德輿皆以廬  
墓而善於送死也代淵彭乘皆以歸養而善於事生也  
王珪典制誥於三旨之下但能文章閎麗耳尹瞻息風  
火於再拜之餘不但建學誨士耳何臬舉政和進士第  
一許奕舉慶元進士第一然臬論三鎮不可割而使金  
以死節奮奕論邊境不可開而在朝以骨鯁稱其文學



節義則亦均也趙雄擢隆興省試第一宋德之擢慶元  
省試第一然雄救朱熹而使金庭有龍鬪之名德之薦  
安丙而論八卦之象其文學政事則亦同也范  
鎮論新法寧休於田野其勇決不可奪矣而范百祿爲  
學士別邪正之目二十條范祖述爲知州減台州之貢  
二三事范祖禹之脩唐鑑范冲之脩實錄皆鎮之子孫  
也張咸對廷策寧死於斧鉞其正直不可撓矣而張紘  
知雷州政声徹於遐邇張浚知樞密忠義陳於奏疏若  
夫張栻之崇理學張杓之尹京兆張忠恕之治劇郡皆  
咸之父子也陳克以寇準之薦而授官自號中庸子有  
集二十卷可考也李昉以張詠之教而登第自號谷子  
有集百卷具在也李建中表陳時政而子周道周士並  
進士及第科目聚於一門如此也李舜臣專尚風化而  
有子性傳道傳心傳皆有文集行世道學萃於一姓如  
此也梁鼎之興水利何區畫之周也楊應詢之脩邊防  
何謀畧之備也薛映之五鼓視事勤也任玠之千韻撰  
詩敏也郭震有漁舟集張商英有名臣傳而張之操履  
不及郭之清勾壽有西掖奏議韓駒有郊祀樂曲而韓  
之傳授不及勾之正李大臨劾李定呂陶疏蔡確陳祐  
劾章惇胡晉臣排林栗皆犯顏直諫之臣也杜翊世死  
於懷德楊震仲死於太安王翊死於井何克死於兵皆  
伏節死義之士也蔣堂以逸民薦者童登也而號冲退  
處士邵伯温以學行薦者楊匯也而號靜恭先生張愈  
居青城山而翹然有出塵之想郭震著漁舟集而裕然



有物外之志年拾四舉進士者李謹交也而牡丹之詩受知於上雖謂之才子可也年采歲能屬文者虞允文也而采石之戰克勝於金雖謂之良將可也鄧至著龜鑑五十卷往事具陳楊天惠作歌行十數篇老儒驚異楊允恭巡浙江有心計而子可亦善屬文有良裔矣蹇周輔知河北有政声而子序辰亦善爲文有賢嗣矣宇文昌齡定郊祀之禮宇文常革茶馬之弊則雙流人也宇文粹中以文學遇宇文虛中以節義著則華陽人也楊繪知諫院而遇事剖決不得其言則去宇文之邵知曲水而陳疏時政不得其職則去蘇雲鄉結廬豫章而不往政府故有蘇翁之號趙逵對策第一而撰樓雲集故有小東坡之號劉光祖論道學見於涪州學記而後溪集其所筆也李繁行荒政見於綿州永康而桃溪集其所撰也再郤金兵趙彥呐之經理西和也多所建明謝方叔之參知政事也虞剛簡有兄弟八人最爲知名嘗與魏了翁同游而著四書說焉若夫知連州者虞珪乃剛簡之子也牟子才陳脩邊三策最爲懇切嘗與史嵩之有忤而著四朝史焉若夫居湖州者牟巖子才之子也僚屬上降狀於元師而黃申獨抗拒不往至於巴山之隱節有完矣滿朝附心於史相而鄧若水獨疏奏不阿至於削木之祠意有在矣以元言之張璠潛心孔孟而爲江寧學官其學本於勤鄧文原博學善書而爲集賢學士其學根於正虞汲虞集虞槃父子皆在朝廷而集之道園學古錄槃之非非國語可謂之雄才也黃



澤黃播黃揆兄弟皆登進士而澤之作易春秋二經解  
二禮祭祀述畧可謂之博古矣布景範值李頗驢之亂  
而死殺身以成仁也馮文舉值明氏之亂而死破家以  
爲國也至於始以謹敏有迹遷右丞後以餽餉有功拜  
平章焉非張惠其人乎以我

朝言之王平以御史遷僉憲不以貨撓法楊直以御史  
遷副憲不以私害公鄧謙以舉人而歷任勤能左布政  
之擢宜矣鄒昱以國子生而歷官能幹右布政之超當  
矣天順以後科目之彥濟濟如麻吾亦安得而采數之  
哉

### 保寧府人物

司馬遷作史曰棧道千里通於蜀漢柳宗元作銘曰井

絡坤垠界山爲門此皆所以論保寧之形勝也然以其  
地考之禹貢梁州之域分野井鬼之星晉曰巴西唐曰  
閬中處巴峽磽确之內在梁洋梓益之衝此陳恢所謂  
蜀之都會劉儀鳳所謂蜀之外戶也人生其間地險民  
豪地大俗阜質直好義有先民之遺風然則人才不有  
可樂談者乎請申之漢之時范目佐漢高祖定三秦譙  
隆諫武帝廣苑圃洛下閎精於曆數而有太初曆之傳  
任文公善於天文而有智無雙之號嚴遵遷刺史而吏  
民遮道車不得行趙闕爲刺史而政声聞上時莫與並  
譙玄李業皆辭公孫述之召而甘於殺身趙瑛一見王  
莽之攝而勇於棄官楊仁嚴勒門衛阻諸王之入宮景  
鸞數陳災異郤州郡之徵辟以三國之時言之周舒周



群乃父子也而精於星象馬參馬忠皆太守也而熟於政理黃權雖臣魏而伐吳之諫亦猷厥忠其寧雖事吳而赤壁之後亦著厥績逮至於唐鮮于仲通舉進士難爲其兄鮮于叔明擢明經難爲其弟養正先生曰李逢而遂於學易劔南孝子曰王讚諦而誠於事親至於有何煥者居官有凜然之風時論有栢臺之號此唐之人物也逮至於宋羅承之擒文協雖幼而有爲袁廓好詆訐雖死而不愧以陳省華爲父而有子堯叟舉端拱進士第一以陳堯佐爲兄而有弟堯咨舉咸平進士第一然堯佐號知餘子工於詩也堯咨號小由基善於射也非世之難得者耶陳漸以進士讓之於父而有金龜子之號馬洵以陰德貽之於子而有登狀元之名且蒲宗孟舉進士以曾祖之聚書也蒲自舉進士以毋任之知書也此非世之罕有者乎鮮于侁爲判官而或謂之曰上不害法中不傷民下不廢親蒲叔猷爲成都漕而或歌之曰運使姓蒲民力可蘇王省辭爵不受號清虛山人雍孝聞對策不阿入元祐黨籍宇文百之以孝友名世而應於紫荆文同以才學名世而見於丹淵黃裳撰春秋講義以擴聖賢之未發也何求撰閬苑記所以勸忠義於將來也嚴大猷楊巨源咸有誅吳曦之志李好義李貴皆有討吳曦之功至於我朝申克敬以太學生入仕練達老成而有布政之擢徐璋以太學生入仕恪勤匪懈而有僉憲之陞天順以後人才之出不少矣吾未得而殫陳之也



順慶府人物

夏爲梁州周爲巴國宋爲宕渠唐爲南充此是郡沿革之異也東臨篆水西倚秀屏南接猊峯北連瑪瑙此是郡形勝之奇也蓋其地群峯矗於四望之內清香滿於山谷之間人之居是邦也雖喜商賈而怠穡事尚禱祠而喜出郊然古稱忠義之邦家詩戶書而甚淳朴也以史考之寧不使人擊節乎稱賞請具陳之漢之時紀信以誑楚王而被殺忠義貫於神明馮緄以平長沙而賜錢威声震於蠻貊元賀爲沛郡太守而吏民爲之涕泣以送陳禪爲遼東太守而匈奴爲之餽遺以去此又東漢循良之吏也張嶷平羗人而夷民恋慕王平征隴西而軍旅保全此則蜀漢智勇之將也譙周研精六經惜不能守節焉譙秀躬耕山藪可謂蓋前愆焉晉之時陳壽善叙事理而三國志皆詳贍有體然而於蜀魏未知其孰可帝也閻續博覽墳典而五子皆開朗有才然而於兄弟未見其各相難也爲益州牧而蜀賴以無事李特也使人人如特蜀至今存可也克破烏桓而遼東賴以獲安龐雄也使人人如雄魏至今存可也南北朝之時有侯瑱者始而敗侯景匪躬之故也終而敗王琳克壯其猷也宋之時成象營葬親之事而致有異祥善於送死也何麗天作懷親之賦而卒於歸養善於養生也彭任勸富弼啓視書詞有心於國家也何群從石介受業太學有志於道學也著春秋本旨者何涉也而涉之通百家尤人不易著晶然集者安丙也而丙之誅叛將



尤人所難雍鈞惡章惇之橫而獨不與交正氣之死也  
張庭堅知司馬光之賢而上書申理忠厚之激也扁舟  
載雙鶴非彭戢送行之詩乎結茅書飯牛非鄭脩高尚  
之篇乎黎錚姚邦基以經學教授於家師道立矣游仲  
鴻游似以父子獻忠於國家聲振矣安堯臣諫北伐重  
內輕外也張天珏隱羊山藏器待時也逮至於元文如  
王爲太守拜都爲轉運咸有能聲袁岱爲判官陳繼賢  
爲通判皆有政績至於我  
朝羅茂英歷官勤慎清譽著聞范循爲御史而能持憲  
體王鐸爲給事而正色敢言天順以後人才之出亦不  
乏矣吾未得而枚舉也

叙州府人物

考叙州之沿革古曰棘國漢曰犍爲唐曰南溪元曰叙  
南考叙州之域東距瀘水西連大峨南通六詔北接三  
榮蓋是邦負山瀕江地勢誠要衝矣但其夷夏雜居風  
俗各異然民力於穡士競於文要之禮義之澤漸漬至  
今說者謂以涪翁而重也置其然乎請具陳之漢之時  
任永馮信托青盲之疾以避召其忠義可使人寒心也  
隗相汲江心之水以供毋其孝行可使人作範也唐之  
時則善星緯喜談辯者有黎幹焉以宋言之丁處榮李  
英恪皆有討王均之功斗蓋廖翰皆有備邊防之績李  
文淵之拒蔡京君子惡惡之嚴也張彬之諫張浚君子  
成人之美也吳順至孝而有赤烏集其門前李夔至孝  
而有白虎馴其墓上程公許兄弟皆進士而應

集之



傳則公許著述之文也史子申開禧初進士而天荒  
之號以子申登第之始也程驤以監中書省而有雲來  
雨過之詩蓋以邊事來告而有錦袍銀帶之賜司馬  
夢求死節於德祐初君臣之義不負矣李見讀易於神  
龜山聖賢之蘊不遺矣以元言之支渭興善屬文號寵  
溪此元之人物然也以我  
朝言之熊宗魯由太學生歷官勤能而有右參政之擢  
喻良由舉人歷官有能而有按察使之陞天順以後人  
才之出亦有矣吾未暇論之也

### 重慶府人物

五溪之襟束四蜀之都會其說見於權德輿記剛悍生  
其方風謹尚其武其言見於左思賦以其地考之禹貢  
梁州之域天文井鬼之星秦曰巴郡唐曰南平郡重慶  
之名始于宋也說者謂東至巴東西接牂牁北連漢中  
南距夜郎會川蜀之衆水控瞿塘之上流界瀘渝之間  
在恭涪之內其人就水造食鑽木出火尚鬼信巫銳氣  
善舞是固然也然有巴蔓子蚩霸諸人爲之倡尚氣個  
儻喜以詩書自娛也其亦風俗之良者哉請申之周之  
時有巴蔓子刎首報楚而不肯與人以城至今讀其傳  
凜凜有生氣也漢之時譙君黃避王莽之亂而國人羨  
以詩矣尹珍受許慎之業而南域始知學矣嚴舉事父  
而有踰禮過恩之孝杜孝事母而有竹筒觸岸之異謁  
渙然溫不同其官而同於得民之心程馬譙章不同其  
任而同於得政之譽晉之時有文立者群書之上有文



學也立馬之對有言語也若夫李驥爲尚書郎論議莫踰蜀有二卽之號不偶矣毋雅爲夜卽守而夷俗感化學冠四科之稱不誣矣唐之時李文素之喪毋廬墓可謂孝子矣張武之大破季昌可謂之名將矣逮至於宋張弦馮時行皆召對直言者也然時行之斥和議坐廢尤爲盤根錯節之別利器也楊載郝仲連皆奉命使金者也然仲連之因城陷自殺尤爲重雲疊霧之鼓雷霆也譙定從程頤游造詣愈深度正從朱文公誨講貫益熟作易解者羅志冲也作論孟解者李興宗也吳甲爲侍講而有文名石公恕爲知州而有能名趙郊發攝池州事元兵入境與妻同縊何從容也趙立提湖北刑元將入城至涪自溺何慷慨也至於趙性對集英曰以

括囊爲深計主和議者當之以首鼠爲圓機杜言路者當之此直劉蕡以後一人也逮至我

朝陳志從靖內難戮力戰陳而封遂安伯武臣之翹楚者也蹇義入典機務深沉猷納而爲少師文臣之山斗者也郭璫王鐸皆爲參政石溫江英皆爲參議然治行超卓澤及於民則又同也莫仲昭蹇賢皆爲布政李琳謝庸皆爲副使然政事練達功著于下則又同也若夫蔣勉始爲部僞而刑名之欽恤終爲亞卿而能聲之遐播此又我

朝人物也天順以後人才之生與日俱長吾未得而悉數之也

夔州府人物



論夔州之地本周之魚復國而鎮以灩澦扼以瞿唐環以縉雲何形勝之奇也論夔州之名本唐之所建而漢曰巴東蜀曰固陵唐曰雲安何沿革之異也蓋嘗考之儒先之論矣有謂據荆楚之上當全蜀之口歐陽董鉞之說也有謂處岷嶓之下冠峽右之秀則段文昌侯師聖之說也人生其間踏蹟而遊燒地而耕任俠尚氣而信鬼然揚輔謂之士風拙朴王十朋謂之民淳訟稀則夫人才有可言者矣請具陳之漢有扶嘉長占吉凶巧發竒中吾之所深取者以勸定三秦之策知天下大計宋有景林洙咸平賊亂集兵力拒吾之所深取者以首隕跨馬之氣極天下精忠杜仁偉在淳化中而討李順宗晏在乾德中而討州寇少有武勇者龍景昭而自蜀

歸宋亦爲刺使有聲焉少有孝行者王文義而感夢得泉卒之孝感有扁焉王汲作木鐸賦辭極雅麗人呼爲王木鐸張大中摠覽群經學極宏富人目爲漆書厨受水晶斧之賜者李傳與脩大河之功者庾彥正羅戩號觀光山人其忤蔡京之膽畧壯矣姚邦基本政和進士其拒劉豫之氣節高矣楊晨試禮部第一而論荆蜀形勝甚悉也王珪號志堂居士而植左右竹松甚樂也袁沔遊太學而上書遷都十二事之條陳盡切事宜袁師奭居雲安而明經教子四人之登科見榮鄉里至於築廬城西有屢空之樂聚徒贍養有談經之美非樂嘉聞乎至於我

朝文物覃敷人才輩出當必有爲國家碩輔者吾未暇



論也

潼川州人物

考是邦之地居水陸之要衝則叙於杜祐據涪水之上游則記於馬咸漢曰梓潼魏曰昌城隋謂之新城宋謂之東川而潼川之名創於重和間也人生其間性輕揚尚奢靡然士通經學古罕為異習抑何風俗之美如此哉請具陳之漢之時王渙為政得宜而鄧太后稱其有羔羊之義王祐隱居不仕而陳紀山稱其為天下之士馮灝為越嶲太守所在著政聲王堂拜巴郡太守所在禮才士三國之時杜微固辭諸葛之徵李邕嘗折昭烈之過李譔博學而著指歸李餘殞身以待毋死晉之時李毅恤窮民而李苾之清儉亦有光於兄王化舉孝廉

而龔穎之志操不妄從乎賊唐之時王慧翼博瞻墳典而為左補闕陳元敬博濟鄉里而拜文林郎陳子昂上書言事而武后竒之唐文章雅正由其有以變之也趙蕤篤學不仕而李白竒之懷趙徵君詩正所以贈之也嚴震為兩州團練有山南第一之聲李浦為張延賞表薦有補履十卷之文張九宗工於碑銘而鄉郡之宮觀多留筆迹李睨工於詩句而陳李之名譽足繼芳踪宋之時蘇易簡舉進士第一而歷官宰相其孫舜欽繼之極言時政詩歌豪放不愧范仲淹之薦矣吳泳屢抗疏極言而歷官著作其弟吳昌裔承之研繹群書痛自植立足以發程氏之緒矣汝顏有蚤退之節勾克儉有清敏之譽持心履行為士矜式今象之在經幄也愛君憂



國知無不言揚輔之為制置也王維有退休三十年之  
 操至於杜孟之子孫以忠孝為寶以經史為田而號寶  
 田杜氏行義尤為傑然耳馮山有退居二十年之操至  
 於馮漸為學士為文師蘇軾論事忤蔡京而濟張庭堅  
 妻子行義尤卓然耳苗劉之變馮康國以口舌折二凶  
 之橫李順之亂馮光猷以正義止諸將之掠以兵敗元  
 昊之亂者景泰也以明決范純仁之獄者馮如晦也治  
 兵秦川則有趙開之善心計封爵潼川則有姚希得之  
 抗直言揚天惠之文足追左氏西漢之風苟允中之孝  
 應驗虎豹馴擾之瑞金州通判曰蹇彝元兵攻城死之  
 是也且子永叔弟維之相繼死於陣一門節義如此也  
 西和推官曰賈子坤元兵攻城死之是也且子純孝子

婦牟氏相繼死於兵一門正氣如此也元之時許維禎  
 有去虎之異謝端有祝草之才激濁揚清者趙成慶臺  
 閣為之生風政清德洽者張谷寶女邪為之屏迹至於  
 始為涿州同知繼為兩臺御史崔洪範也我  
 朝之時王文貴始為司直郎後為太僕寺卿行事亦可  
 言者矣天順以後人才亦相繼迭興吾未暇枚舉也

眉州人物

坤維上腴岷峨奧區此盧拯之論也水突臺顧灘穿龍  
 爪此張遠霄之詩也蓋眉州之地本井鬼分野而或謂  
 之齊通或謂之眉山或謂之通義其沿革異也迹其疆  
 域介岷峨之間為江山秀氣所聚故士以名節相尚以  
 詩書為業以故家文獻為重然則人才之出豈不為尤



多哉請具陳之漢之時朱遵拒公孫述張皓救趙騰揚  
戲典獄有平允之宜張綱埋輪有方正之操三國之時  
楊洪清忠欵亮而守蜀郡張微博學篤志而守廣陵定  
韓詩者則若杜撫討劉胄者則若張翼逮至於宋蘇洵  
作辨姦論以文冠天下矣其子軾之爲文渾涵而有卓  
犖之才轍之爲文澹治而有秀傑之氣今有所傳東坡  
集樂城集讀之者如得拱璧也李燾作續長編以學術  
名海內矣其子壁文望轟震於翰林而謚文懿皇文聲  
赫然於館職而謚文肅今其所著鴈湖集悅齋集讀之  
者如遊勝境也家勤國通春秋而子家愿力救正人甘  
受黨錮之禍至於邵吳曦之招忤史嵩之論則有曾孫  
家大酉也任攷負氣節而子伯雨詆章惇其受貶竄之

虞至於負小任之名從文公之學則有弟任伋孫任希  
夷也蘇洵妻父曰程之邵屯兵行邊敵人遁去蘇軾妻  
兄曰王箴弱冠能文詞氣高古唐庚通世務作察言諸  
篇矣其兄伯虎感取來之夢可謂之純孝其子文若作  
文思之箴可謂之妙筆焉楊汝明拒吳曦徵辟矣其子  
棟殿試進士第一而所著有崇道集孫文仲太學兩試  
第一而所著有見山集焉論蔡確者呂陶而任諒則知  
樂師必反之狀也交程之才者王宿而劉勃則辯宣仁  
被誣之事也師維藩精心於經而引後學之說尤爲確  
楊泰之刻志於學而罪直言之諫尤爲忠史經舉賢良  
不第而善於作賦上則援秦皇下則逮晉惠王當舉進  
士不第而善於著書史則傳名臣經則傳春秋楊時清



厲揚煇通敏父子一道也史珣博洽史通循良兄弟一行也文初迎文永篤於子道也巢谷訪蘇軾堅於友義也蘇過作孔門傳蘇軾之後昌矣史炤作通鑑釋文公之史白矣劉汲死鄧州孫昭遠死河南唐重死京兆皆凜凜氣節也楊椿忤秦檜史次秦拒吳曦家鉉翁邵元官皆挺挺操守也孫道夫治郡有水晶燈籠之稱明何察耶杜莘老在臺有杜殿院之號何骨鯁耶蘇元老入黨籍有附驥之榮楊孟容詆新法有清節之賜楊大全請朝重華工於正君劉焯討平李接長於戡亂逮至我朝張鑑爲御史而有才幹張添祿爲御史而能振揚至有左五經之名有武昌集之著非左經其人乎天順以後人才亦視前不乏吾未暇論也

嘉定州人物

觀劉伯熊之記議道堂則知是邦真蜀地之冠觀邵所之記清音亭則知是邦得山水之勝蓋其東接江陽南接朱提北接蜀郡西接廣漢孤清秀絕真有可人意者其名則漢曰犍爲隋曰眉山而嘉定之名定於元也人生其間頗慕文學有禮義廉恥之風然則人才不有可言者乎請具陳之漢之時胡安聚徒於白鶴山而司馬相如從之受經嚴遵卜筮於成都市而楊子雲爲之遊學林間通輜車之義費貽著狎狂之節至於陳立初守犍柯寇亂克平繼守天水治績稱最三國之時費詩諫卽帝位雖於正統未明而進言直矣唐之時梁震稱唐進士雖爲高季興所留而心事潔矣至於仲子陵生則



舉賢良死則存圖書其爲人又可知矣逮至於宋計用章有一死報國之忠杜國寶有一生尋父之孝王夢易請均鹽稅良法也其子曰序曰庠閉戶窮經無愧先訓李絢請遠嬖寵正言也其子曰稷督餉築城甘受外患常安民論章惇之罪而常同請振國威父子皆正直人也魏了翁忤史彌遠之旨而魏文公翁諷味禮經兄弟皆道學人也吳時敏於爲文有立地書厨之號藺敏脩博於群書有中山先生之號費孝先以術鳴皇甫坦以醫鳴李僑於釋褐之初慨然致仕志何備也趙尚於宣撫之時挺然建明氣何壯也勾龍庭實作通濟堰而眉人德之李縉作唐書補註而學者宗之何熙志在御史臺而晁公武薦之甚力薛紱號符谿子而魏了翁敬之最深高稼死沔城至於其弟曰定子著比門類藁其子曰斯得著耻堂等集何一門之隆盛也郭正孫死興元至於鄧得遇兵起長沙之日有宋室忠臣之書何一死之從容也至我

朝孫瑜在戶部孫冕在戶科以父子皆可稱如此至於梅應魁之推寧皮典大藩則亦人望矣天順以後人才相繼不絕吾未暇論也

### 瀘州雅州人物

論瀘州之地本東漢之江陽唐之瀘川也論雅州之地本魏之蒙山隋之臨邛也蓋瀘州南接牂牁北接廣漢涪流貫其隅墮山蟠其址固邊隅之重地也雅州左據蔡山右依蒙頂羗水環於前瀆江繞於後乃南詔之喉



咽也人生其間性朴而訟希其風俗相類也然則人才  
不啻數者乎請具陳之嘗考瀘州之人物矣尹告甫有  
伐夷之功伯奇有履霜之操生於周者如此也蜀有董  
允秉心公亮專猷納之任晉有何隨處事平當持皎皎  
之名見獲李雄義不受屈則有若晉之侯馥退居山中  
九經自娛則有若唐之先汪開慶之初有先甲龍登進  
士嘉定之際有李鳴復戒制臣奏賦詠雜著則有若許  
沆何文藻之麗也號瀘南詩老則有若史扶何詩文之  
工也毛璞本乾德進士而著三餘錄劉望之本紹興進  
士而著觀堂集逮至我

朝則有張駿李祥皆以進士持憲體也又考雅州之人  
才矣高頤有一門三舉之榮高貫光有益州刺史之仕  
生於漢者如此也五代則王承肇孕周山之氣節制洋  
州宋則曹疇領靜南之軍控扼邛岷曹光實擊賊有功  
蜀中俊傑之誇不偶也曹克明善射有法推誠保順之  
封不易也孫疇號足菴居士孝友之行著於鄉曲孫伯  
和號竹溪隱士記誦之學授於家庭景自芳屢破冠賊  
効力於當時景村寒食垂名於後世逮至於元則有侯  
彥直能以武夫而効死力也我  
朝人物自天順以後日益濯磨何暇悉數之哉

### 播州宣慰使司人物

西連棘道南極牂牁播州之疆域也唐曰播川宋曰遵  
義播州之名號也蓋其地本秦之夜郎重山複嶺陡澗  
深林人生其間好射獵信巫鬼婚姻以銅器爲禮宴樂



以鼓笛爲樂若非矣然敦龐淳固悉慕華風然則人才不  
有可取者哉請具陳之漢有尹珍生於荒裔而從許慎  
之學習乎書緯而廣南域之教此其人不可及矣宋之  
時楊燾安撫播州輸金錢戰馬而邊患遂息楊价爲閣  
門宣贊貌如將校夢而邊功遂建楊文脩學勤治而諸  
夷自化楊邦憲擒治蠻人而國威以宣冉從周舉進士  
有破荒之號駱世華任崇班有附地之功鄭昌孫集兵  
以禦掠珍州之寇王震孫率衆以解犯蜀口之盜至於  
冉璉與弟璞前後徵辟初皆不赴其高尚之節所以起  
余玠推轂之誠也貫地築城屯兵聚糧其創置之策卒  
有以折元人鼠竄之變也以元言之楊漢英本邦憲之  
子應對明敏有討平宋隆濟勲楊嘉貞本漢英之子武  
畧傳習有計平楊留總之績逮至我

東川軍民府

烏蒙軍民府

烏撒軍民府

永寧宣撫司

龍州宣撫司

天全六番招討司

黎州安撫司

平茶長官司

松潘軍民指揮司

疊溪千戶所

四川行都司

以上各府司人才不見於史故不錄

新編博物策會卷之十四終



聖



